

殿閣詞林記

殿

江苏工业学院图书馆
藏书章

初林記

湖北先正遺書史部

何陽盧氏慎始基

高偕蒲圻張氏

侯高歲明本景印

殿閣詞林記叙

皇明賜進士經筵日講同修國史奉直大夫前翰林院侍講學士臣廖肅謹撰

夫詞林奚始也周周太史掌六典以
辨灋內史掌八柄以詔治凡學世學
及學士必時上下交修內外交養所
以彛國本記者重且大也漢置太史
令凡供奉承明待詔金馬署胥麗焉
唐設學士兼講讀弘文館館麗正創

院集取揮翰延英召對厥儀始備坐
宋鼎彬彬然盛矣祥符鼎建龍圖閣
天禧鼎建元章閣嘉祐鼎建寶文閣
元符鼎建顯謨閣大觀鼎建徽猷閣
紹興鼎建敷文閣淳熙鼎建煥章閣
慶元鼎建華文閣嘉泰鼎建寶謨閣
寶慶鼎建寶章閣咸設學士以典
宸章代王言可不謂重且大乎我

高皇帝濬周建庠倣宋建閣初創翰林院
以陶安宋濂爲學士建華蓋諸殿以
劉仲質全思誠爲大學士又增設弘
文館學士以劉基等爲之左右春坊
大學士以董倫等爲之肆我

成祖開文淵閣以解縉胡廣楊士奇等七
人預機務

仁宗復弘文館以楊溥陳繼王璉等五人

備顧問纂修

實錄即右史紀動也表章

寶訓即左史紀言也撰擬制誥演潤綵綸
掄材秘省校藝禮闈即太史掌典內
史掌柄也且而啓沃

經筵贊襄

聖神夾輔

儲宮弼亮

元良其所繫者坐重且大非諸司儼也凡

遇

御殿慶成勅令列坐于殿上

御所視朝勅令侍立于金牀是故大學士
學士之肩尤重且大焉我

皇上紹帝王鴻緒光

祖宗舊制羣

御無逸殿勅命大學士坐講錫宴豳風亭

鼎命學士坐饗陪祀土穀壇鼎命學
士分直

臨幸太學鼎命學士侍坐聽講明禋

園丘鼎命學士輪班視牲捧

勅天所鼎親承

玉音起草禁籙鼎密覲

龍顏晉錫駢蕃

宸慈豐渥誠百王所未有千載所罕遇也

臣道南自弱冠登第皆被

簡注紆居人館荐荷

寵渥編摩史垣獻納

講幄幾二十季

顯陵甘露降鼎錫以密璽

泰時卿雲見鼎貺以瑶篇徵士召還

平莖祗謁鼎賚以金綺

內殿捧主禁掖修書鼎勞以珍饌

聖山淵軫

御劄咨詢有同館諸儒所不獲與而

特眷爲者答李庠撰翰林志祇載唐事周

必大撰玉堂記夫繫宋典臣道南嘗

讀中秘書與泰泉黃君佐纂翰林雜

記六冊暨屏居楚野恭撰

興都通紀之暇乃剡萼蓋武英諸殿名曰

殿學文淵東閣名曰閣學其兼六部

者名曰部學晉詹事者名曰周學長
春坊者名曰坊學屬弘文者名曰館
學典成均者名曰廡學繇寺署者名
曰卿學死節義者名曰贈學擅翰書
者名曰藝學而終始本院者勛名之
曰院學夫士知所以自重然後能任
天下之重矧茲秩至重且大矣嗟自
周以來上下數千載宅茲者又數百

十其上不負

天學下不負所學者一代不數人而已若
夫起幾三長泰和四繼袁祐五難苟
悅五志闕一匪通儒也故曰宰相須
用讀書人翰林當以宿儒處圖政本
者尤宜深長思焉

嘉靖乙巳穗九月菊日謹書于金紫
山中之香篆洞

殿閣詞林記卷之一

殿學

武英殿大學士吳伯宗

吳伯宗名柘以字行撫州金谿人父儀元鄉貢進士伯宗生而岐嶷十歲通舉子業識者竒之嘆曰此兒玉光劍氣終不可掩洪武庚戌鄉試辛亥廷試俱第一是時初議開科取士命國子祭酒魏觀博士孫吾與修撰王僎為讀卷官

高皇帝親製策問畧曰古者敷奏以言明試以功漢之賢良宋之制舉得人為盛今特延子大夫于廷不

知古帝王敬天勤民其道何繇伯宗條對稱旨

上擢為第一賜袍笏冠服授承直郎禮部員外郎命
與學士宋訥等同修口曆時丞相胡惟庸專橫伯宗
性剛直不屈惟庸銜之八年坐貶鳳陽伯宗上疏論
時政因指斥胡惟庸罪狀不宜獨任以政恐滋久為
國大蠹辭甚切直

上覽其奏即召還賜襲衣鈔錠奉使安南獲馴象方
物以歸獻之改國子助教十二年進講東宮首陳正
心誠意之學

皇太子嘉納明年改典籍御試以十題命賦詩伯宗

援筆立就風格峻絕

上大綱賞賜織金錦衣十四年遷太常丞不拜十五年又以為國子司業又不拜忤旨貶陝西金縣教諭行至淮召還以為檢討拜武英殿大學士十六年冬至弟仲晏為三河令薦舉不以實坐是復降檢討卒伯宗為人溫厚貞諒而不苟嬖姁故屢獲罪所著有南宮集使交集成均玉堂諸稿廖道南曰喬林之杖風折之殘當衢之蘭物踐之傷若伯宗者以忤惟庸竟坐貶斥其直氣勁操屢折不回說者以為開科第一人名德俱稱非耶贊曰矯矯烈士大廷之魁俶俶

直節君子之才積忤權臣乃遭奇禍人亦有言義不可過歷數往哲如君幾人誰其繼之一峯羅倫

華蓋殿大學士劉仲質

劉仲質字文質袁州分宜人敏而好學博通經典洪武初為宜春訓導被薦入詞垣奏對稱旨授文林郎歷遷禮部尚書十五年四月詔天下通祀孔子增學校及師生廩膳

上諭質曰孔子明帝王之道以教後世使君君臣臣父父子子綱常以正彝倫攸叙其功參于天地今天下郡縣廟學並建而報祀之禮止行京師未遍天下